

Singtel rebut semula status firma paling telus dan tadbir urus terbaik 2015

SYARIKAT telekomunikasi Singtel telah merebut semula statusnya sebagai firma paling telus dan ditadbir urus dengan paling baik di negara, menurut Indeks Pentadbiran dan Ketelusan (GTI) 2015.

Singtel naik satu tangga ke tempat pertama daripada tahun lalu dalam indeks yang diterbitkan secara tahunan oleh CPA Australia dan Pusat Tadbir Urus, Institusi dan Pertubuhan (CGIO) Sekolah Perniagaan Universiti Nasional Singapura (NUS).

Indeks yang dilancarkan pada 2009 itu, menyenarai sebanyak 639 syarikat yang tersenarai di Bursa Singapura (SGX), yang mengeluarkan laporan tahunan bagi 2014, pada 31 Mei tahun ini.

Singtel yang menduduki tempat pertama dalam indeks itu bagi 2009 hingga 2012 menunjukkan prestasi cemerlang dalam langkah-langkah aspek tadbir urus korporat yang digunakan untuk GTI.

Ia juga didapati konsisten dalam melaksanakan piawaian tadbir urus korporat yang tinggi seperti mendapatkannya khidmat runding cara profesional untuk menilai secara bebas, pakej gaji pengarah dan pengurusan utamanya di samping mendedahkan dasar terperinci mengenai pembayaran dividen.

Tempat kedua diduduki Singapore Exchange Limited (SGX) dan disusuli oleh Keppel Corporation – yang berada di tempat pertama indeks itu tahun lalu.

“Piawaian tadbir urus korporat di kalangan syarikat tersenarai di Singapura telah mencapai kadar tertinggi sejak GTI dilancarkan – satu penghargaan terhadap syarikat yang telah berusaha membaiki amalan tadbir urus dan ketelusannya,” ujar Ketua Negara Singapura CPA Australia, Encik Melvin Yong.

Indeks itu mendapatkannya majuan keseluruhan yang signifikan dalam amalan tadbir urus syarikat setempat. Markah min (mean) naik daripada 42.1 mata pada 2014 kepada 47.6 mata tahun ini – tahap pemulihan terbaik sejak penubuhan indeks itu.

Indeks GTI adalah sejajar dengan Kod Tadbir Urus Korporat Singapura, yang kali terakhir disemak oleh

Penguasa Kewangan Singapura pada 2012.

Namun ekoran sekitaran operasi yang sudah ber-

ubah, firma akan diteliti dibawah rangka kerja baru iaitu Indeks Tadbir Urus dan Ketelusan Singapura (SGTI) pada tahun depan.